

ABSTRAK

Usaha pembinaan sahsiah belia adalah tugas mulia yang perlu dilakukan kepada golongan belia di negara ini. Sememangnya golongan belia adalah aset penting bagi ummah dan negara. Mereka adalah pewaris kepimpinan, masyarakat dan tamadun akan datang. Jadi, mereka sewajarnya dilengkappkan dengan sahsiah yang mantap meliputi rohani dan jasmani. Menyedari keadaan itu, Jabatan Belia dan Sukan Wilayah Persekutuan Kuala Lumpur, telah mengadakan berbagai-bagai usaha untuk tujuan tersebut. Persoalannya, sejauhmanakah usaha-usaha pembinaan sahsiah yang dijalankan terhadap golongan belia khususnya belia di Wilayah Persekutuan Kuala Lumpur berkesan?. Persoalan tersebut menguatkan dorongan kepada penulis untuk melakukan kajian bagi melihat hasil dan keberkesaan program tersebut kepada golongan belia.

Program Bina Sahsiah Belia Jabatan Belia Dan Sukan Wilayah Persekutuan Kuala Lumpur: Kajian Tentang Keberkesanannya adalah tajuk yang diutarakan oleh penulis dalam kajian ini. Ia mengandungi tiga objektif utama iaitu; pertama ialah untuk melihat sejauhmana hasil usaha yang telah dilaksanakan oleh Jabatan Belia Dan Sukan Wilayah Persekutuan Kuala Lumpur terhadap belia di Kuala Lumpur. Kedua ialah untuk melihat sambutan belia terhadap program tersebut. Ketiga ialah untuk mendapatkan maklumat tentang keberkesaan, faedah yang diperolehi, masalah-masalah yang menghalang kejayaan program itu dan memberi cadangan dan saranan bagi memperbaikikannya supaya ia dapat dilaksanakan dengan lebih berkesan.

Kajian ini dibahagikan kepada lima bab iaitu; Bab pertama membincangkan tentang belia di Malaysia. Manakala bab kedua pula memperkatakan tentang pembinaan sahsiah belia dan dalam bab ketiga menjelaskan tentang program bina sahsiah belia Jabatan Belia dan Sukan Wilayah Persekutuan Kuala Lumpur. Seterusnya bab keempat merupakan isi penting kajian ini, di mana penulis menghuraikan secara terperinci tentang keberkesaan dan memaparkan hasil kajian. Kajian ini berakhir dengan bab kelima yang merupakan penutup dari keseluruhan kajian dengan mengemukakan beberapa rumusan dan saranan ke arah

memperkemaskan lagi program bina sahsiah belia yang dianjurkan oleh Jabatan Belia dan Sukan Wilayah Persekutuan Kuala Lumpur.

Kajian ini juga ditumpukan kepada golongan belia Islam sebagai responden yang tinggal di Wilayah persekutuan Kuala Lumpur. Ia meliputi 10 kawasan parlimen. Kajian ini berdasarkan kepada temubual dan soalselidik yang mengandungi 15 soalan dan telah diajukan kepada belia yang mengikuti program ini melalui tiga aktiviti. Kajian ini tidak mengambil kira kaedah *random sampling* dari sudut kawasan kerana semua 10 kawasan itu disoalselidik. Namun begitu, kaedah *random sampling* digunakan terhadap responden. Sebanyak 250 soalselidik telah diedarkan dan sebanyak 175 borang soalselidik dapat diterima.

Hasil kajian ini mendapati responden bersetuju bahawa program bina sahsiah belia yang dijalankan oleh Jabatan Belia dan Sukan Wilayah Persekutuan Kuala Lumpur memberi faedah dan berkesan kepada mereka dalam berbagai bidang seperti dapat mempertingkatkan ilmu, ibadat, sosial/akhlak dan sebagainya.

ABSTRACT

Youth development programmes are vital in this country. The youth are an essential asset and will be the future leader for ummah and country. They will inherit this country's leadership, society and civilisation. Therefore, they have to be equipped with spiritual and physical capabilities. In order to achieve the above visions, the Department of Youth and Sport Federal Territories has come out with several programmes. The question is, how effective are these programmes among the youth.

As a whole, this study is to measure the effectiveness of the efforts taken by the respective Department. The objectives of the extent of programmes provided by the Department, second, the participation among the youth, and third, to gain information on the benefit of these programmes.

The study was divided into five chapters. First, on the background of youth in Malaysia, second, the development of their personalities, third, the programmes provided by the respective department, fourth, the effectiveness of those programmes, and finally, the fifth chapter on conclusions and suggestions.

The respondents for the study are those who resided in Kuala Lumpur which covered 10 Parliamentary Constituencies. The interview consisted of 15 questions which are directed through three activities. The random sampling method was used upon the respondents. A total of 250 questionnaires were distributed and 175 were able to be collected.

As a result, they agreed that the programmes put forward by the respective Department have indeed benefited them in several aspects including knowledge, ibadat, society and morality.